



## Ned ning sēn wa n pārg keelem n bas lslaama, Wēnd pārgda keelem n bas-a, sēn yi dūni yikr raar keelemā,

Yii a Abu Hurayrat nengē (Wēnd yard be a yīnga) a yeelame: Wēnd Tēn-tuomā yeelame (Wēnd puosg la A tigr be a yīnga): «Ned ning sēn wa n pārg keelem n bas lslaama, Wēnd pārgda keelem n bas-a, sēn yi dūni yikr raar keelemā, la ned ning sēn wa n yols yell kāenkāe soab zugu, Wēnd yolsd a zugu dūni la laahre. La ned ning sēn wa n luda lslaam bāngo, Wēnd maand-a la sutr dūni wā yikr raare. La Wēnd yita sōngda ne A yamba tī yambā sā n be a ma-bi-taag sōngr poorē, la ned ning sēn tuka sor n baood bāngr a pugē, Wēnd yolsda sor ne-a n tug arzāna. La neb ka yi sēn na tigme Roog sēn yaa Wēnd rotā puga, n karem Wēnd gafā, la b pēsd-a bāmb ne taab suka, rēndame tī yīn-yōgneg sig b zugu tī yolsgā bui-ba, tī malegsā gilg-ba, tī Wēnd tēeg b yelle zama ning sēn be A nengē wā pugē, la ned ning tuumd sēn wa n maag ne-a a buud ka na n taas-a ye».

[Naṣun Ṣahuḥun (Gom-sikdem sēn manege)] [A Muslim n togs-a]

Nabiyaamā vēnegdame n wilgdē (Wēnd puosg la A tigr be a yīnga) tī lslaam keor Wēnd nengē, yaa a sēn tumd būmb ningā ne a lslaam taabā buudu, rēnd ned ning sēn wa n tug n fāag a lslaam taaga n pārg keelem ning sēn be ne-a wā dūni wā pugē, Wēnd rond-a lame, n pārg n bas yē me keelem, sēn yaa dūni yikr raar keelem. La ned ning sēn wa n yols yell kāenkāe soab zugu, n zēk keelem n bas-a, Wēnd yolsd a zugu dūni la laahre. La ned ning sēn wa n maan lslaam sutra, wala a sēn na n yā nedā nengē sēn ka sōma n vēnege, sēn yaa salgr la yōsgre t'a maan-a sutra Wēnd maand-a-la sutr dūni kaanē la laahre. La Wēnd yita sōngda ne A yamba tī yambā sā n be a ma-bi-taag sōngr poorē, n be a yel manesds pugē, dīnā yela maa dūni yela, la sōngrā tōeeme n yi ne kosg n kō-a, a tōeeme n yi yīnga, a tōeeme n yi ne arzeka la zēng sēn ka rēnda. La ned ning sēn kēn n na n bao sari bāngre, tī yaa Wēnd yīng la a rat ne-a, Wēnd yolsda sor n kō-a t'a kē arzānā. Rēnd neb ka be sēn na tigime Roog pug sēn yaa Wēnd Rotē wā, n karemd Wēnd Gafā, rēndame tī yīn-yōgneg la ziir zig b zugu, la Wēnd yolsgā gūbg-ba la a bui-ba, tī malegsā gilg-ba, tī Wēnd pēg-ba malegs nins sēn yaa pēt-n-taas ne Wēndā nengē, la zīlem ta tēk Wēnd sēn na n wa tēeg A yamb yell yīngr zamā wā pugē. La ned ning tuum sēn wa n yaa wēdga, ad yēnda ka tōe n ta tuum-rāmb darge zīgē, a buud yīng ye, rēnd sōmba ne yē t'a ra wa teeg a buud zīlem la a ba-rāmb sōmlem, n wa maan koēeg a tuumdā pugē ye.

النجاة الخيرية  
ALNAJAT CHARITY

